

## Mir werrns nimmi erlewe

Grad als ich om letzde Freidaach vom Markt mett moine Dutte zum Audo gehe wollt, habb ich uff de Hauptstrooß de Karl unn die Paula getroffen.

No, du bist joo frieh, hott die Paula gesacht.

Ei joo, habb ich zur Antwort gewwe, ich muss noochher noch nooch Hofem, beim TÜV die Stoßdämpfer von moim Audo noochgucke losse.

Was issen mett de Stoßdämpfer?, hott de Karl gefroocht, sinnse kaputt?

Ich habb genickt. Ja. Awwer ich will halt wisse, ob ich nor die hinnere odder aach die vordere ausdusche losse muss.

Doo sächt die Paula: Ihr zwaa habbt joo noch e bisje was ze erzähle, ich geh schunn emol, ich brauch joo nit vill. Unn du, Karl, wart hier bis ich widder doo bin.

Rendiern sich noch neie Stoßdämpfer in doim ahle Audo?, hott de Karl gefroocht, kaaf derr endlich emol e neies.

Ich sach: Ach waaßde, Karl, eichentlich wollt ich joo mettem neie Audo warde bis oons mett Brennstoffzelle kimmt, awwer ich glaab dess dauert noch fuffzeh Johr.

De Karl guckt mich oo. Unn Kumpel - was willsde mache?

Ich habb mett de Achsele gezuckt. No ja, ich fahr moi Audo noch e Zeitlong. Unn werrns merr kaputt geht, kaaf ich merr oons ferr Erdgas, vielleicht dann enn Opel.

De Karl hott gelacht: Du brauchst e nei Audo unn mir brauche enn neie Beiemooster.

Weil ich kalte Händ kriecht hatt, habb ich die Dutte uff de Boddem gestellt unn habb moi Händ in die Jackedasche gesteckt. Kalt isses heit. Awwer ja, dess iss e Ding. Grad hawwe merr uns on de Beiemooster Krebs gewehnt unn der lacht aach emol mett uns, doo machter ab in de Hochtaunus.

De Karl moont: No ja, wer wills dem junge Monn verdenke? Gleich Londrat, dess iss doch was. Awwer was gibts dann in Flerschem mettem neie Beiemooster? Mol abwarte wasse uns ferr ooner präsentiern.

Ich grins. Ooner odder oo!

De Karl war gonz erschrocke. Du moonst - e Fraa?

Ja, sach ich, warum dann nit? Warum sollte merr koo Fraa als Beiemooster hawwe?

Die Fraue sinn sowieso jetz schwer om Kumme. Vor korzem hott e Fraa de Ami ihrn kaputte Raumtronsporter sicher uff die Erd zurickgebrocht, unser Fraue sinn Fußballweltmeister worrn unn jetz hawwe merr aach noch e Fraa als Bundeskanzler. Warum sollte merr dann in Flerschem nit aach e Fraa als Beiemooster hawwe?

De Karl hott sich om Kopp gekratzt. Ich waaß nit, ich waaß nit. Naa, Honnes, ich glaab nit dass die Flerschemer Parteimatschos e Fraa als Beiemooster akzeptiern dete. Doodeferr isses noch zu frieh, dess werrn mir zwaa nimmi erlewe.

Ich habbem zugestimmt: Doo hosde Recht. Unn dass die Brennstoffzell in die Audos kimmt – dess kimmt aach erst nooch unserne Zeit.

In dem Aacheblick kimmt die Paula zurick, drickt ihm Monn e Dutt mett Gemies in die Hond und frächt: Merr moont ihr det friern? Habbder eich nit e paar warme Gedonke gemacht?

Ich habb die Händ außem Säckel gedue, habb moi zwaa Dutte gegriffe unn habb gesacht: Des hawwe merr, Paula, dess hawwe merr. Weil mir hawwe die gonz Zeit von de Fraue geschwätzt.

De Karl nickt. Unn von de Brennstoffzelle.

Eiern Honnes